



SIARAN MEDIA

**GARISPANDUAN FASA PERALIHAN BAGI PERKHIDMATAN-PERKHIDMATAN DIBAWAH
KEMENTERIAN PENGANGKUTAN DAN INFOKOMUNIKASI
(Rabu, 12 Rabiulakhir 1443 bersamaan 17 November 2021)**

1. Merujuk kepada Pengumuman Fasa Peralihan Rangka Kerja Pelan Pemulihan Kebangsaan Covid-19 yang telahpun dikongsikan oleh Yang Berhormat Menteri di Jabatan Perdana Menteri dan Menteri Kewangan dan Ekonomi II semasa Sesi Sidang Media COVID-19 pada Selasa, 9 November 2021 yang akan mula berkuatkuasa pada Jumaat 19hb November 2021, sebagai usaha bersepada, sukacita Kementerian Pengangkutan dan Infokomunikasi mengongsikan mengenai perlaksanaan Garispanduan Fasa Peralihan bagi beberapa Perkhidmatan-Perkhidmatan Sekolah Memandu, Pengangkutan Awam Darat dan juga Pengangkutan Awam Air.
2. Garispanduan ini turut dikongsikan bagi memastikan pihak-pihak yang terlibat, dari segi pengawalselia, pengusaha dan juga orang ramai sentiasa bekerjasama dan mengambil langkah berjaga-jaga demi keselamatan kitani bersama.
3. Antara maklumat dan syarat-syarat utama dalam garispanduan perkhidmatan-perkhidmatan tersebut yang perlu diambil perhatian adalah seperti berikut:-

Pertama Pembukaan Sekolah-Sekolah Memandu, Latihan dan Ujian Memandu

4. Sebanyak 23 pengusaha sekolah-sekolah memandu akan turut beroperasi semula dimana seramai 308 pelajar dari kempat-empat daerah sedang menantikan ujian praktikal memandu.
5. Pelajar-pelajar akan diberikan peluang untuk membuat latihan praktikal memandu bermula 20 November 2021 bagi memastikan kesediaan untuk menjalankan ujian memandu yang dijadualkan bermula 27 November 2021 mengikut penjadualan yang telah ditetapkan.
6. Sebanyak 318 slot untuk ujian praktikal memandu telah disediakan bermula 27 November 2021 hingga 31 Disember 2021 dengan 15 slot ujian sehari di Kompleks Litar Memandu Sungai Akar dan cawangan JPD di daerah-daerah yang lain. Slot ujian praktikal akan diuruskan oleh Sekolah Memandu masing-masing.
7. Sebagai langkah pengawalan semasa Fasa Peralihan ini, setiap pelatih, penguji dan pelajar adalah dimestikan untuk melengkapkan dua dos vaksin COVID-19 dan menjalani ujian *antigen rapid test (ART)* sepetimana dalam garispanduan Sekolah-Sekolah Memandu yang dikeluarkan pada 12hb November 2021 melalui laman sesawang www.jpm.gov.bn.



Garis panduan Bagi Perkhidmatan Pengangkutan Awam Darat dan Pengangkutan Awam Air

8. Bagi perkhidmatan pengangkutan awam darat yang melibatkan pengangkutan bas awam, teksi dan perkhidmatan-perkhidmatan *e-hailing* seperti *DART*, dan pengangkutan awam air iaitu bot-bot dan kapal-kapal penumpang dan penambang; antara syarat-syarat utama adalah seperti berikut:-
 - Pemandu, petugas dan penumpang yang dibenarkan adalah mereka yang sudah melengkapkan dua dos vaksin COVID-19;
 - Had kapasiti bagi kenderaan bas awam, teksi dan *e-hailing* ditetapkan kepada 50% daripada kapasiti penumpang, ini tidak termasuk pemandu. Sebagai contoh, bagi teksi dan *e-hailing*, jika muatan kenderaan adalah untuk lima (5) orang, hanya dua (2) orang penumpang yang dibenarkan. Manakala bagi kenderaan yang mempunyai muatan tempat duduk untuk tujuh (7) orang, maka had penumpang adalah seramai (3) orang;
 - Begitu juga bagi sebarang pengangkutan awam air, had kapasiti adalah 50% daripada kapasiti penumpang dan ini tidak termasuk pemandu dan, akhir sekali,
 - Hanya penumpang yang mempunyai kod Bruhealth berwarna hijau atau kuning SAHAJA yang dibenarkan menaiki pengangkutan-pengangkutan awam berkenaan.
9. Garispanduan penuh mengenai perkhidmatan-perkhidmatan pengangkutan awam darat dan pengangkutan awam air ini boleh diperolehi dari laman sesawang www.jpm.gov.bn.
10. Orang ramai diseru untuk memainkan peranan bagi memastikan penularan wabak COVID-19 ini dapat dikawal dengan mematuhi peraturan dan arahan-arahan yang telah dikeluarkan. Dalam kesempatan ini, saya bagi pihak Kementerian Pengangkutan dan Infokomunikasi ingin mengucapkan berbanyak-banyak terima kasih kepada orang ramai khususnya dan pihak-pihak yang terlibat diatas kerjasama dalam memastikan penularan wabak COVID-19 ini akan dapat kitani kawal bersama dan kesejahteraan semua pihak adalah terjaga.

Disediakan oleh:

Kementerian Pengangkutan dan Infokomunikasi
Negara Brunei Darussalam
E-mel: info@mtic.gov.bn